

MAGKINABUHI DIHA SA UG UBAN SA DIOSNONG TRINIDAD

Mensahe 5

Magkinabuhi uban sa Diosnong Trinidad

(2)

Nagbuhat ang Dios sa Sulod Nato

Basahonong Kasulatan: Fil. 2:13; 1:19-21a; Buh. 16:7; Rom. 8:9

I. “Ang Dios maoy nagbuhat diha ninyo”—Fil. 2:13a:

- A. Dunay lihok ang Dios dinhi sa yuta, ug naglihok Siya pinaagi sa Iyang pagbuhat—1 Cor. 12:6, 11; 2 Cor. 1:6; 4:12; Efe. 1:19; 3:7, 20; 4:16; Fil. 3:21; Col. 1:29; 2:12; 1 Tes. 2:13.
- B. Gipadayag sa Filipos 2:12-23 nga ang kinatibuk-an, naglakip-sa-tanan, malangkobon nga hunahuna sa basahon sa Filipos mao nga nagbuhat ang Dios sa sulod nato:
 1. Bisan unsa si Cristo kanato alang man sa pagbuhat sa Dios—vv. 5-11; 3:8-10.
 2. Mapadayonong nagkinabuhi, naglihok, ug nagbuhat ang atong Dios sa sulod nato, ug magtagad gyod ta sa pagbuhat Niya sa atong sulod—2:13.
 3. Kon duna tay espirituhanong pagkaila, espirituhanong gahom nga makaamgo, makita nato nga may kalabotan sa Dios nga nagbuhat sa sulod nato ang tanang naa sa basahon sa Filipos—1:19; 2:5-11; 3:10, 12, 21; 4:5-7, 19, 23.
- C. Naa sa nagbuhat nga lihok sa Dios ang tanang gihisgotan sa basahon sa Filipos:
 1. Nagpakita ang capitulo 1 nga ikinabuhi ug ipadako gyod nato si Cristo aron mahimo Siyang pagkinabuhi ug pagpadayag nato—vv. 20-21.
 2. Nagpakita ang capitulo 2 nga himoon gyod natong sumbanan nato si Cristo ug ipadayag Siya—vv. 5-11, 16.
 3. Nagpakita ang capitulo 3 nga pursigihon ug batonan gyod nato si Cristo nga atong tumong—v. 14.
 4. Nagpakita ang capitulo 4 nga si Cristo ang atong sekreto—vv. 12-13.
- D. Nagbuhat ang Dios sa sulod nato “sa pagbuot ug sa pagbuhat alang sa Iyang gikahimut-an”—2:13b:
 1. Ang Dios nga nagbuhat sa sulod nato mao ang Tulo-usang Dios—ang Amahan, ang Anak, ug ang Espiritu—Mat. 28:19; 2 Cor. 13:14.
 2. Naa sa sulod ang pagbuot; dayag ang pagbuhat—Fil. 2:13:
 - a. Mahitabo ang pagbuot (willing) diha sa atong pagbuot (will), nagpakita nga magsugod sa atong espiritu ang pagbuhat sa Dios ug mokaylap sa atong salabotan, pagbati, ug pagbuot—Rom. 8:4, 6.
 - b. Ang Griyegong pulong alang sa *nagbuhat* sa Filipos 2:13 mao ra sab nga pulong alang sa *paglihok* ning versiculoha.
 3. Sa versiculo 13 ang “Iyang gikahimut-an”—ang gikahimut-an sa Iyang kabu-but-on—mao nga makaabot ta sa kinalabwang dangatanan sa kinalabwang kaluwasan Niya—Efe. 1:5; Fil. 1:19; 2:12.
- E. Kinahanglan makita nato nga milagroso nga normal ang pagbuhat sa Dios sa sulod nato; normal gyod kini apan milagroso gyod—v. 13; 4:6-7:
 1. Milagrosong nagbuhat ang Dios sa sulod nato apan sa normal ug hilom nga paagi—v. 7.
 2. Ang pagbuhat sa Dios sa sulod nato dili dayag nga kulba-hinam, apan dako gyod kaayo kini sa espirituhanong bahin—Efe. 1:19; 3:17.

II. Ang pagbuhat sa Dios sa sulod nato uban man sa “madagayaong sangkap sa Espiritu ni Jesucristo”—Fil. 1:19:

- A. Espesyal nga ngalan sa Espiritu sa Dios ang *Espiritu ni Jesus* ug nagpasabot sa Espiritu sa Manluluwas nga nagpakatawo, nga, ingon nga Jesus sa Iyang pagkatawo, niagi sa pagkinabuhi isip tawo ug sa kamatayon sa krus—Buh. 16:7; Luc. 1:31, 35; Mat. 1:21:
1. Sa Espiritu ni Jesus dili lang naay elemento sa Dios kondili naa sab ang tawhanong elemento ni Jesus ug ang mga elemento sa pagkinabuhi Niya isip tawo ug sa pag-antos sab Niya sa kamatayon—Fil. 2:5-8.
 2. Ang Espiritu ni Jesus dili lang ang Espiritu sa Dios nga dunay pagkadios aron makakinabuhi ta sa diosnong kinabuhi kondili ang Espiritu sab sa tawo nga si Jesus nga dunay pagkatawo aron makakinabuhi ta sa hustong tawhanong kinabuhi ug makaantos sa mga pag-antos niini—v. 15.
 3. Sa pag-antos ni Pablo gikinahanglan niya ang Espiritu ni Jesus kay naa man sa Espiritu ni Jesus ang elementong makaantos ug kusog nga makaantos aron makaagwanta sa paglutos—Col. 1:24; Buh. 9:15-16; 16:7.
- B. *Ang Espiritu ni Cristo* nagpasabot sa Espiritu ni Cristo sa pagkabanhaw—Rom. 8:9:
1. Pinaagi sa kahikayan sa pagpakatawo, pagkalansang sa krus, ug pagkabanhaw, nahimong Espiritu ni Cristo ang Espiritu sa Dios—v. 9.
 2. Ang Espiritu ni Cristo sa pagkatinuod mao si Cristo mismo nga nagpuyo sa atong espiritu aron ipaambit ang Iyang Kaugalingon, nga pagkalawas sa nahikay nga Tulo-usang Dios, nganhi nato ingon nga kinabuhi ug gahom sa pagkabanhaw nga mobatok sa kamatayon nga naa sa atong kinaiya—vv. 2, 9.
 3. Pinaagi sa Espiritu ni Cristo makaambit ta sa gahom sa Iyang kinabuhi sa pagkabanhaw, mausa Niya sa pagkalabaw kaayo sa Iyang pagkayab ug sa pagbulot-an sa Iyang paglingkod sa trono—Fil. 3:10; Efe. 1:20-21; 2:6; Juan 11:25; Buh. 2:22-24, 31-36.
- C. *Ang Espiritu ni Jesucristo* nagpasabot sa Espiritu sa nag-antos nga Jesus ug sa nabanhaw nga Cristo—Fil. 1:19:
1. Kay espesyal mang nagpasabot sa pag-antos sa Ginoo ang Espiritu ni Jesus, ug ang Espiritu ni Cristo, sa Iyang pagkabanhaw, may kalabotan ang Espiritu ni Jesucristo sa Iyang pag-antos ug pagkabanhaw; ang Espiritu ni Jesucristo mao ang Espiritu ni Jesus nga nagkinabuhi sa kinabuhing nag-antos dinhi sa yuta ug ni Cristo nga naa na karon sa pagkabanhaw—Buh. 16:7; Rom. 8:9; Fil. 1:19.
 2. Ang Espiritu ni Jesucristo mao ang Espiritu sa Dios nga nahimong “ang Espiritu” nga gihisgotan sa Juan 7:39—ang Espiritu ni Jesucristo pinaagi sa pagpakatawo, pagkalansang sa krus, ug pagkabanhaw ni Cristo, ang Espiritu nga dunay diosnong elemento ug tawhanong elemento, lakip sa tanang pagkamao ug realidad sa pagpakatawo, pagkalansang sa krus, ug pagkabanhaw ni Cristo.
- D. Piho ug datong pulong ang *madagayaong sangkap* nga gigamit sa apostol sa pagpasabot sa madagayaon, datong sangkap sa Espiritu ni Jesucristo—Fil. 1:19:
1. Makita gyod unta nato nga ang madagayaong sangkap sa Espiritu ni Jesucristo naglakip sa pagkadios, sa diosnong persona nga dunay diosnong kinabuhi ug kinaiya; sa gipausbaw nga pagkatawo, sa pagkatawo nga dunay hustong kinabuhi, pagkinabuhi, kinaiya, ug persona; sa kahibulongan ug malangkobon-sa-tanan nga kamatayon sa Ginoo didto sa krus; ug sa pagkabanhaw ug pagkayab ni Cristo—Juan 1:1, 14, 29; Gal. 2:20; Luc. 24:5-6, 50-51.

2. Pinaagi sa madagayaong sangkap sa Espiritu ni Jesucristo, makakinabuhi ug makapadako ta ni Cristo, sama ni Pablo—Fil. 1:19-21a:
 - a. Kining madagayaong sangkap sa malangkobon-sa-tanan nga Espiritu ni Jesucristo aron man mapadako nato si Jesucristo sa pagkinabuhi nato Kaniya; ikinabuhi nato Siya aron mapadako Siya sa bisan unsang sirkumstansya—vv. 20-21; 4:11-13.
 - b. Sa Espiritu ni Jesucristo naay malangkobon-sa-tanan nga madagayaong sangkap nga makapatagbo nato sa bisan unsang matang nga palibot ug sa ingon niana makasinati, makapahimulos, makakinabuhi, ug makapadako ta ni Cristo—1:19-21a; 4:11.